

卷壹

眼部

面部

眉部

頭部

耳部

鼻部

唇部

口部

舌部

齒部

鬚部

下頰

頸項

咽喉

驗方新編

壹

撫浙使者梅梓行

新編方輿

省城東壁齋藏板

光緒四年二月
舊本新增重刊

板存浙江省城鼓樓前東璧齋刻字店每
部拾陸本共計壹千捌百餘頁刷印重泰
紙張工料錢柒百捌拾文裝釘錢壹百陸
拾文夾板並帶錢陸拾文共錢壹千文

語云醫不三試不服其藥夫藥不
輕服者亦恐其方之不驗耳若有
經驗之方遇相合之症而不廣其
傳以濟之非所以體好生之德也然
古人著書多指一事如靈樞銅人

二百六十二方為醫家新法之利也
罕傳本觀之者稀他如葛洪時後
備急方雖分五十三類然有方名論
人或於之策元方雖論病源而又不
載方藥仍不足以徵信董汲旅舍
備要方雖是救急而其藥有不可

理解者似亦未善獨王盡外臺秘要
先論後方深得授受之法王衮以家
藏醫方七千餘道擇其精者為博
濟方用者不驗其法與此正合厥後
許叔微為類證普濟本事方吳彥
夔傳信通用方沙因穆蘇瑞竹堂

方危亦林世醫得效方皆由歷驗而
著回為茲篇所本故以驗方名之雖
博洽不能如朱楠普濟方六萬一千
七百餘之多與

欽定醫宗金鑑之富而窮鄉僻壤無從驟
睹巨帙得此一篇亦可按圖而索不

又多魯亥非所以傳廣遠而示徵信
也會余重梓葉天士眼科書爰飭
屬以此並刊其附益諸方則仿徐
用誠玉機徵義之例各加新增二字
即以天士之書列於所增各方之首
計原書十六卷益以八卷合之得二十

四卷較之舊刻繁富過之既成同僚
者乞為之序余不欲自束髮受書即
愛岐黃之學中年從事軍中風
雨塵突士多勞疾更留意於此蓋不
讀書不足以悟症不悟症亦不足以用書
故每遇以醫理來叩者輒以此語答

之然此猶道其難於得也
日未三折肱而對症發藥一日瞭然
其收效尤易雖然吾固願斯民德
念過欲疾疢不生並此方而不用
惟寒暑燥溼不能必其俱去倘得
以書扶持其間將見消冷戾於三形

登閬閬於仁壽則蘇篇也即為長
生之籙可也是為序

光緒四年歲在著雍攝提格二
月接浙使者梅啟照撰并書



凡人不能無病病必延醫服藥
然醫有時而難逢藥有時而昂
貴富者固無慮此貧者時有束
手之憂爲方便計自莫良於單
方一門矣單方最夥選擇宜精
果能方與症對則藥到病除無

醫亦可余幼時見人有良方秘
不傳世心竊鄙之因立願廣求
不遺餘力或見於古今之載籍
或得之戚友之傳聞皆手錄之
久之薈萃甚富各門俱備乃刪
其不甚經驗及數方相同與夫

貴藥不能力致者今之所存期
於有是病卽有是方有是方卽
有是藥且有不費一錢而其效
如神者雖至窮鄉僻壤之區馬
足船唇之地無不可以倉猝立
辦頃刻奏功區區救世之苦心

校讐不倦寢食與俱蓋廿年於
茲矣同人見之謂可傳世遂集
資以付手民而志其緣起如此
後有所得當俟續刻云道光丙
午仲春月善化鮑相璈選於粵
西武宣官解



附王洪緒先生全生集自序

明劉誠意伯言藥不對症枉死者多余曾祖若谷公秘集云癰疽無一死症而諸書所載患生何處病屬何經故治乳巖而用羚羊犀角治橫痃而用生地防已治瘰癧惡核而用夏枯連翹概不論陰虛陽實惟以引經藥治以致乳巖橫痃成功不救瘰癧惡核潰久成怯全不悔引經之藥悞反諉言白疽百人百可到泉鄉夫紅癰乃陽實之症氣血熱而毒滯白疽乃陰虛之症氣血寒而毒凝二者以開腠裏爲要腠裏開紅癰解毒止痛卽消白疽解寒化凝立愈若憑經而失症治者藥雖之經

而實背症也世之患陰疽而斃命者豈乏人乎如以陰
虛陽實別治癰疽無死症之語確矣余曾祖留心此道
以臨危救活之方大患初起立消之藥一一筆之於書
爲傳家珍寶余幼讀之與世諸書治法迥別歷症四十
餘年臨危者救之初起者消之疼痛癢極者止之潰爛
不堪者斂之百治百靈萬無一失因思癰疽憑經並治
久遍天下分別陰陽兩治惟余一家且余之治止於村
境若遍通邑分身無術偶聞枉死無不痛惜特以祖遺
之秘自己臨症並藥到病愈之方精製藥石之法和盤
托出盡登是集並序而梓之以質諸世之留心救人者